

## Niev mied d'instrucziun per natira e tecnica per la scola primara grischuna

La regenza ha approvau l'elaboraziun dil mied d'instrucziun "NaTech Primarstufe" els idioms sursilvan, puter, vallader e sutsilvan sco era en rumantsch grischun ed en talian. En connex cull'introducziun dil Plan d'instrucziun 21 Grischun exista ina largia da mieds d'instrucziun pil rom "Natira, human e societad" (NUS). Cul mied d'instrucziun "NaTech Primarstufe" po quella largia vegnir serrada silmeins per part. Il mied d'instrucziun cumpeglia tschun dils nov secturs da competenza dil rom NUS. Cun "NaTech Primarstufe" pon pia el futur vegnir instrui varga la mesadad dils cuntegns pretendi dil Plan d'instrucziun 21 Grischun en tut ils lungatgs da scola e conform al plan d'instrucziun. Per l'elaboraziun (senza la producziun) da "NaTech Primarstufe" ein budgetai cuosts da 650 000 francs.

